

„საქართველოს საეკლესიო“

(ისტორიულ-კანონიური ცნობა)

1811 წელს, ლენერალ ტორმასოვის განკარგულებით, საქართველოს ეკლესიის მართვა-გამგეობაში ძირითადი ცვლილება მოხდა: კანონიერი კათალიკოზი გადაყენებულ იქმნა თავის საყდრიდან და „საკათალიკოზო“ შეიცვალა „საექსარხოსოდ“. რეფორმის ინიციატორებს აზრად აქონდათ საქართველოს ეკლესიის დამოუკიდებლობის ხსენებაჲ კი აღარ დაერჩინათ, მაგრამ უნებლიედ მათ ისეთი ინსტიტუტი შემოიღეს, რომელიც სულ სხვა მიზანს აღწევს. მართლაც და, რას ნიშნავს „ექსარხოსი“, „საექსარხოსო“?

ფილოლოგიურად თუ გავსინჯავთ, დავინახავთ, რომ „ექსარხოსი“ არის ბერძნული ლექსი (exarchos) და აღნიშნავს უზენაესს გამგეს ისეთი ადგილისას, რომელიც განსაზღვრულ ტერიტორიის გარეშე იმყოფება და მის ორგანიულ ნაწილს არ შეადგენს.

მართლაც, სამოქალაქო სფეროში ასეთი იყო ერთ დროს ეგრედ წოდებული „რავენის“, ხოლო საეკლესიოში „თესალონიკის“ საექსარხოსო.

სამოქალაქო ტერმინი „ექსარხოსი“ ბიზანტიაში გადაიქცა საეკლესიო-კანონიურ ტერმინად; იმით აღინიშნებოდა, როგორც ესა-სჩანს მეოთხე მსოფლიო კრების მეცხრე და მეჩვიდმეტე კანონებისაგან, სრულიად დამოუკიდებელი, ავტოკეფალურ საეკლესიო ოლქის უფროსი, რომელსაც, ძველი ქართული მწერლობით, კათალიკოზი ეწოდებოდა¹⁾, ხოლო ბიზანტიაში, საეკლესიო ტერმინოლოგიის შემუშავების შემდეგ, — პატრიარქი²⁾.

შემდგომ საუკუნოებში „ექსარხოსებად“ აღმოსავლეთში ეწოდებოდნენ ის

მღვდელ მთავრები, რომლებიც დროებით ვანაგებდნენ „დაქვრივებულ“ ავტოკეფალურ კათედრას. კერძოდ რუსეთის ეკლესიაში „ექსარხოსი“ ესმოდათ, როგორც „დროებით მცველი“ დაქვრივებულ საპატრიარქო კათედრისა. მაგალითად, ცნობილი სტეფანე იავორსკი, რომელიც ოცი წლის განმავლობაში, პატრიარქადრიანეს შემდეგ სინოდის დაარსებამდე, „საპატრიარქო საყდრის დროებით მცველი“ იყო (мѣсто — блюститель патриаршаго престола), ექსარხოსად იწოდებოდა.

ამნაირად, ფილოლოგიურ, კანონიურ და ისტორიულ თვალსაზრისით „ექსარხოსი“ აღნიშნავს უზენაესს გამგეს ავტოკეფალურ ოლქისას, რომელიც მეორე ოლქის გარეშე იმყოფება და მის ორგანიულ ნაწილს არ შეადგენს. მაშასადამე, ტერმინი „საქართველოს საექსარხოსო“ თვით რუსების მიერ შემოღებული არგუმენტი ჩვენი ეკლესიის ავტოკეფალობისა: ის გვეუბნება, რომ საქართველოს ეკლესიის ინკორპორაცია ჯერ არ მომხდარა, ის დღესაც დამოუკიდებელი საპატრიარქოა, მხოლოდ მას, როგორც „დაქვრივებულს“, დროებით რუსეთის „ექსარხოსი“ განაგებს.

რასაკვირველია, ლენერალ ტორმასოვს, როდესაც ასეთ სახელს იგონებდა, სულ სხვა აზრად, მაგრამ ჩვენ კი, ვინაიდან მას საეკლესიო ისტორიისა და კანონების არა გაგებოდა რა, მეტი საბუთი მოგვეცა ჩვენი პრეტენზიების გასამართლებლად. ტორმასოვის უნებლიეთი შეცდომა შეიგნეს ვოსტორგოვმა და სინოდის დღევანდელმა წევრებმა და მოინდომეს იმის გამოკეთება: როგორც ვიცით, იმათ განუზრახავთ „საქართველოს საექსარხოსოს“ გაუქმება და მის მაგიერ „კავკასიის სამიტროპოლიტო ოლქის“ შემოღება; ამ ოლქის მეოხებით მოხდება ჩვენი ეკლესიის ინკორპორაცია და მისი დღევანდელი სახის წარყენა. აქედან ცხადია, რამდენად საჭიროა დროებით, სანამ ჩვენი ეკლესიის კანონიურ უფლებათა აღდგენის საკითხი არ გადაწყვეტილა, არსებულ ინსტიტუტის — „საექსარხოსოს“ დაცვა და შენარჩუნება.

დ. კორ. კეკელიძე.

¹⁾ იხ. ჩემი გამოკვლევა — „Иерусалимский Канонарь“, стр. 246—248.

²⁾ „Правила православной церкви съ толкованіями Никодима, епископа Далматинскаго и Истрійскаго“, т. I, стр. 352. აგრეთვე — профессора В. Болотова — Лекции по истории древней церкви, т. III, стр. 216—